

## C. Miscellen.

### 1. Eine alte Kaufurkunde

vom Jahre 1435, die sich im Besitze der Bauerngemeinde zu Werben bei  
Kottbus befindet.

(Mitgetheilt vom Pastor emer. Bronisch in Dreßkau.)

Wir Leuter vnd Reynhard gevettern Herren czu Cotbus vnd alle vnser erben vnd erbnemer Bekennen vnd thun kund mit desim vnsern offen brieve vor alle den die en sehin adir hören lesin das wir mit wolbedachtin mute vnd rechtir wisse vnsern libin getruwen allen vnd iglichen hufenern vnd czwey gertenern mit namen Hanse Koschke vnd Hanse Brodack in dem dorfe czu Werben am grossen ende gelegen, die ezund da wonen adir in zukomftigen czyten, den hufenern vnd der ebengenannten Gertener huben erbe vnd guter ynne haben werden recht und redlich erblich verkouft haben: Ein stuke gehulzes vnd Reysechts, als das in diesen nachgeschrieben reyne vnd grenczin beslossen, bezeichnet vnd gelegen ist, mit namen czum ersten von den Werbener felde am grossen ende bys an Borker Wesin, bys an dy stegin; von den stegin bys an den wissen Sandberg, der yenthalben dem Thame gelegen ist, als man von Werben kayn Bork czihit, vf dy rechte hand gelegen; von dem sandberge vnd borkervelde bis an dy hogen Rustern, dy der von Werben am cleyne ende grencze sind, vnd an dasselbe gehulze vnd strutecht stossen von den Rustern bys wider an der von Werben am grossen ende wesen vnd gevilde so das das genannte gehulze in den genannten reyne vnd grenczin also beslossen sal seyn, vnd verkoufen en dasselbe gehulze vnd strutecht mit craft diesen brieves so das die hufener alle vnd iglicher besunder vnd ire erben vnd nachkomelinge und dy vorgeannten czweyen gertener vnd ire erben vnd nachkomelinge, dy die vorgeannten hufen in erbe vnd gut in czukomftigen czytin ynne haben werden, dasselben gehulzes czu ewigin czytin recht haben sollen czu genissin vnd czu gebruchen, das czu brechen, czu houwen, czu haben vnd czu besizzin vnd an Iren Nuz czu wenden. Wen sie dorinne an Iren Schaden betreten den mogen sie phenden, vnd dy huthunge vnd trifte an die Iren nockebar werin also dicke vnd ofte als en das not tut, vnd wen sie dorinne an Iren schaden betretten vnd phentin das mogen sie gebessert vnd verwandilt nemen von vns, vnsern